

Kadasi ciciri su bo
YOHANE
 akere i ni

Nɔaniɛ n bo i ma ɲɔɔ n dɛɛ jɔɛ

¹ Ya sukere ma am fa ko nɔaniɛ n bo i ma ɲɔɔ n su wo. Kana Nyeme ba yi durunya n ni, nyini nɔaniɛ n bo i ma ɲɔɔ n woori bere wo. Deke bo ya ti i, na ya nyumbaa aɲu i, na ya niɛ aɲu i kabo i ti barasu, na ya fa ya saa akan i, ye ya sukere fa ma am n a. ² Nyini nɔaniɛ n la Yesu bo i ma ɲɔɔ ni, i yo fiteeri fofoe nu wo, na ya nyumbaa aɲu i, nyini ti ye ya di ɲɔɔ n bo i la má awieeri n daani kan i kere am n a. Yiri bo i ma ɲɔɔ n bo i la má awieeri n yo woori i Si Nyeme do o, ye wo yi i ɲu akere ya a. ³ Deke n bo ya ɲu i, na ya ti i ni, ye ya sukan i kere am n a, adena ya ni ambere la wo fie ni ya beɲgu, na ya kere la wo fie ni ya Si Nyeme ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyeme Wa n do n lee, ye ya sukan kere am n a, ka Nyeme ti wein wo, na awosin haari kaan so wo má i do. ⁶ Nzen ya ɲa ya ni yiri la wo fie ni ya beɲgu, ama, na ya toko wo awosin nu yo satie, ya ti korefom wo lee, ya bita má nahore. ⁷ Ama, nzen ya bita wein atin kabo yiri Nyeme atin n ti wein ni, ya ni yiri la wo fie ni ya beɲgu lee, na i Wa Yesu mbunja ni kpakpara yi ya satie kere bo i wo ya ɲu ni. Nyini ti, am ma ya bita wein n atin ni.

⁸ Nzen ya ɲa ya ti má satieyofom, ya dadaka ya ɲu wo lee, na nahore wo má ya ahore su. ⁹ Ama, nzen ya kan ya

satiε kereeri NyεME, i fá ya satiε n ce ya a, na i kpákpara yi ya fite ya sa kERE bo i kO má atin su nu, dama i la dabuñu, na i yo sa bo i kO atin n su. Nyini ti, am ma ya kan ya satiε kERE kere NyεME. ¹⁰ NZEN ya ña ya yo má satiε, ya yi NyεME kOREFO LEE, na i nOaniε n wo má ya ahore su LEE.

2

Yesu Kristo ti ya bukafO a

¹ M nbaam, m koro má ka am yo satiε, nyini dEE ti ye m sukERE ahin jORE n ma am n a, ama, nZEN am be yoori satiε, ya la sONO be bo i yo ya ni ya Si NyεME afiEN dOñgu, yiri la Yesu Kristo bo i yo sa bo i kO atin su san̄ga kERE ni.

² Ya satiε ti, na yiri Yesu ade ya jinaabiri, na wO fa i ñu ayo tiε afa ama NyεME, adena NyεME fá ya satiε ce ya, má yERE ñgumi dEE satiε, ama, durunya n nufOM kERE dEE satiε.

³ Am ma ya de NyεME nOaniε maawam ni, nyini kere ka ya si yiri NyεME LEE. ⁴ SONO kERE bo i ña, i si NyεME, na i de má i nOaniε maawam ni, i mi ti kOREFO O, na nahORE wo má i ahore su. ⁵⁻⁶ Ama, sONO kERE bo i deeri NyεME nOaniε ni, i mi ti sONO bo i koro NyεME nahORE su a. Na sONO kERE bo i ña i wo ni NyεME, wO yo daka ka i mi wo kabo Yesu wo ti ni. Nyini ye ya fa si ka ya wo ni NyεME a.

⁷ M ninbaa koroowam, má nOaniε maawa fOFORE ye m sukERE ma am n a, ama, nOaniε maawa dawa n bo am du mO tiiri i n a. Nyini nOaniε maawa dawa n la jORE n bo am yo tiiri i san̄ga bo am boori i bu suuri Yesu su ni. ⁸ TO, ama, nOaniε maawa n bo m sukERE ma am ni, i kaaki ti nOaniε maawa fOFORE wO bekun, na ya ñu ka i ti nahORE wO, fite kabo Yesu Kristo wo ti ni, ni kabo am wo ti ni, dama awosin n susin, ye wein nahORE su wo ta su.

⁹ SONO kERE bo i ña i wo wein n nu, na i kpO i niwa, i mi toko wo awosin nu wO LEE. ¹⁰ SONO kERE bo i koro i

niwa wo wein n nu wɔ, i yo má sa be bo i ma i niwa bo i jaa kpaasi. ¹¹ Sɔnɔ kɛɛ bo i kpɔ i niwa, i mi wo awosin nu wɔ, na i suyo satiem, dama awosin n ata i nyi, nyini ti, ye i si má dekem bo i yo bu n a.

Sɔnɔ bo i ŋa i si Nyɛmɛ, i ti má ye ni ka i koro durunya ni

¹² M nbaam, deke bo i ti na m sukɛɛ ahin kadasi n ma am n la ka,

Nyɛmɛ afa am satie ace am, Yesu Kristo dɛɛ ti.

¹³ Sim, deke bo i ti na m sukɛɛ ma ambɛɛ n la ka, am si Yesu,

yiri bo i wo bɛɛ kana Nyɛmɛ ba yiiri durunya n kɛɛ ni.

Ngbɛfɛnɛm, deke bo i ti na m sukɛɛ ma ambɛɛ n la ka, am akunma Sitana n dɛɛ ti.

¹⁴ M nbaam, deke bo i ti na m toko kɛɛ ma am n la ka, am si ya Si Nyɛmɛ n dɛɛ ti.

Sim, deke bo i ti na m toko kɛɛ ma am n la ka, am si Yesu bo i wo bɛɛ durunya n bumboori n kɛɛ ti.

Ngbɛfɛnɛm, deke bo i ti na m toko kɛɛ ma am n la ka, am yarada n ti fanja,

na Nyɛmɛ nɔaniɛ n wo am ahore su,

na am akunma Sitana n dɛɛ ti.

¹⁵ Tɔ, má am koro durunya n ni, ni deke n kɛɛ bo bu wo nu ni. Sɔnɔ kɛɛ bo i koro durunya ni, i mi koro má ya Si Nyɛmɛ lɛɛ. ¹⁶ Dama deke n kɛɛ bo i wo durunya n nu fɛn na i wura sɔnɔ konvi, ni deke bo sɔnɔ nyumbaa ŋu i na i koro i, ni deke bo sɔnɔ nya i na i fa fɔ, i fite má ya Si Nyɛmɛ dɔ, ama, i kɛɛ fite durunya n nu fɛn wɔ.

¹⁷ Durunya n ni deke kɛɛ bo i wura minɛ konvi kɛɛ la awieeri, ama, sɔnɔ kɛɛ bo i yo Nyɛmɛ sa koroowa, i nyá ŋɔɔ bo i la má awieeri.

Kabo ya si ya ŋu sa ni Kristo kpɔfɔ n ni

¹⁸ M nbaam, durunya ni sukɔ awieeri lɛɛ. Am yo tiiri ka nɛn durunya n ba sukɔ awieeri, Kristo kpɔfɔ ni bá, ama, kisa Kristo kpɔfɔm dɔngɔ ayi bu ɲu fofoe nu. Nyini ti, ya si ka durunya ni sukɔ awieeri lɛɛ. ¹⁹ Nyini minɛm n bo bu ti Kristo kpɔfɔm na ba fite ya nu ni, nahɔɛ su, bu ti má ya minɛm. Nɛn má bu ti ya minɛm, má bu ka ya dɔ ɔ. Ama, ba fite ya nu, nyini ye ya si ka, bu be mmɔɔ ti má ya minɛm a.

²⁰ Ama, ambɛɛ yiri, Kristo n afa i Awiɛwiɛ Casi n awura am ahore su, na am si deke bo i ti nahɔɛ ni. ²¹ Má ka am si má nahɔɛ n dɛɛ ti, ye m sukɛɛ ma am n a, ama, am si i, na am si ka kɔɛ koro yo má nahɔɛ. ²² ɲma ti kɔɛfɔm kɛɛ tii n a? Kɔɛfɔ n la sɔnɔ kɛɛ bo i ɲa Yesu ti má Kristo Tiidefɔ n bo Nyɛmɛ sunmaari i ni, yiri n bo i yo sɔ n akete ya Si Nyɛmɛ, ni i Wa n lɛɛ, i mi ni ti Kristo kpɔfɔ n a. ²³ Dama sɔnɔ kɛɛ bo i keteeri Nyɛmɛ Wa ni, akete i Si Nyɛmɛ mmɔɔ lɛɛ. Ama, sɔnɔ kɛɛ bo i ɲa Kristo ti Nyɛmɛ Wa ni, i mi n ade i Si Nyɛmɛ mmɔɔ lɛɛ. ²⁴ Nyini ti, nɔaniɛ n bo am tiiri i saɲga bo am boori i bu suuri Kristo su ni, am ma i wo am ahore su. Nɛn am bita nyini nɔaniɛ ni am ahore su, nyini ma am ni Nyɛmɛ Wa ni, ni i Si n yo deke kun a. ²⁵ Deke bo Kristo seeri ka i fá ma ya n la ɲɔɔ bo i la má awieeri ni.

²⁶ M sukɛɛ ahin nɔaniɛ n ma am, na am si am ɲu sa fa kɔ minɛm bo bu koro ka bu dadaka am ni. ²⁷ Ama, ambɛɛ yiri, Awiɛwiɛ Casi n bo Kristo afa ama am wo am dɔ. Nyini ti, i ti má ye ni ka be fa kereewa be kere am kun, dama Awiɛwiɛ Casi ni kere am deke kɛɛ a, na deke kɛɛ bo i kere am ti nahɔɛ wɔ, kɔɛ wo má nu. Nyini dɛɛ ti, am wo ni Kristo kabo Awiɛwiɛ Casi n akere am ni.

²⁸ M nbaam, kisa am wo ni Kristo, na cɛɛn n bo i ba yiiri i ɲu fiteeri fofoe nu n na ya la ahoresi, na má nyinɛ ti ya. ²⁹ Am si ka Yesu yo sa bo i kɔ atin n su, nyini ti, am si ka sɔnɔ kɛɛ bo i yo sa bo i kɔ atin n su, i ti Nyɛmɛ wa a.

3

Bo bu ti NyεMε nbaam ni

¹ Am niε koro bo ya Si NyεMε fa koro ya barasu a. Nyini dεε ti, ye i fere ya ka i nbaam n a, i ti nahɔrε ka ya ti i nbaam wɔ. Durunya n nufɔm si má ya Si NyεMε, nyini dεε ti, ye bu si má ka ya ti i nbaam n a. ² M ninbaa koroo-wam, kisa ya ti NyεMε nbaam wɔ, na NyεMε nya yi kere má ya kabo ya bá ti barasu, ama, ya si ka Yesu bá baari, ya tí kabo i ti n wɔ, dama ya ηú i kabo i ti barasu. ³ Nyini ti, sɔnɔ kεrε bo i la tama ka i bá yo kabo Yesu ti ni, i bita i ηu casi, kabo Yesu ti casi ni.

⁴ Sɔnɔ kεrε bo i yo satie, i mi ti NyεMε nɔaniε kpamaawa n ketefɔ ɔ, dama satieyo ti NyεMε nɔaniε kpamaawa n kete wɔ. ⁵ Am si ka Yesu baari durunya n nu, ka i ba yi satie bo i wo ya ηu n wɔ, ama, yiri ni i tii la má satie be. ⁶ Nyini ti, sɔnɔ kεrε bo i wo ni Yesu, koro suyo má satie, ama, sɔnɔ kεrε bo i toko yo satie, nyini kere ka, wɔ nya ηu má i lεε, na i mi kaaki si má i.

⁷ M nbaam, má am ma be dadaka am. Sɔnɔ kεrε bo i yo sakpa, NyεMε de i ka i mi yo sa bo i kɔ atin su i dɔ, kabo Yesu ti ni. ⁸ Sɔnɔ kεrε bo i yo satie, i mi ti Sitana dεε sɔnɔ ɔ, dama fite durunya n bumboori n kεrε ye Sitana n yoori satie a. Deke bo i ti na NyεMε Wa n baari durunya n nu la ka, i ba yo Sitana n juma ηgbεen wɔ. ⁹ Sɔnɔ kεrε bo i ti NyεMε wa koro suyo má satie, dama NyεMε woowa n wo i mi dɔ, na NyεMε ti i Si n dεε ti, i koro suyo má satie. ¹⁰ Deke bo ya fa si minεm bo bu ti NyεMε nbaam, ni bo bu ti Sitana n nbaam n la ka, sɔnɔ kεrε bo i yo má sakpa, wara sɔnɔ kεrε bo i koro má i niwa, i mi ti má NyεMε wa.

Kabo ya koro ya benɔu barasu ni

¹¹ Jɔrε n bo am tiiri i saɔga bo am boori i bu suuri Yesu su n la ka, am ma ya koro ya benɔum. ¹² Má am ma ya yo

ka Keen, bo i yo ti Sitana dɛɛ wa ni, na i kuunri i niɛma ni. Nzu ti ye i kuunri i niɛma n a? I sayoowa ti má kpa n dɛɛ ti, na i niɛma n dɛɛ n ti kpa n ti. ¹³ Nyini ti, m ninbaam, nɛn durunya n nufɔm kpɔ am ka am yo sakpa n dɛɛ ti, má am ma i yo am alekutura. ¹⁴ Kabo yɛɛ koro ya ninbaam n ti, nyini ma ya si ka ya fite yiwee n nu anya ɲɔɔ nahɔɛ su a. Sɔnɔ kɛɛ bo i koro má i niwa toko wo yiwee nu wɔ lɛɛ. ¹⁵ Sɔnɔ kɛɛ bo i kpɔ i niwa ti sɔnɔ kunfɔɔ Nyɛmɛ dɔ. Am si ka sɔnɔ kɛɛ bo i kun sɔnɔ la má ɲɔɔ bo i la má awieeri ni. ¹⁶ Yesu deerɪ ya dɛɛ jinaabiri wɔ, na wɔ tɔ i ɲɔɔ awu ama ya, nyini ma ya fa si kabo koro ti barasu a. Nyini ti, wɔ yo daka ka ya gusu tɔ ya ɲɔɔ ma ya ninbaam, haari nɛn i yo yiwee mmɔɔ. ¹⁷ Sɔnɔ kɛɛ bo i la nɛnɛ, na i ɲu ka i niwa wo yaari nu, na i si má i anunfɔ ka i buka i, Nyɛmɛ koro wo má i mi n ahore su lɛɛ. ¹⁸ M nbaam, má am ma ya jɔjɔwa n ɲgumi kere ka ya la koro, ama, am ma ya sayoowa kere ka ya koro ya ninbaam nahɔɛ su. ¹⁹ Nyini ma ya fa si ka ya su nahɔɛ n su a, na i ma ya la ahoresi Nyɛmɛ dɔ a, ²⁰ na nɛn ya sunsunni maari ya ka ya yo satie, ya si ka Nyɛmɛ tara ya sunsunni ni, na i kaaki si deke n kɛɛ. ²¹ Nyini ti, m ninbaa koroowam, nɛn ya sunsunni ase má ya ka ya yo satie, ya la ahoresi Nyɛmɛ dɔ lɛɛ. ²² Na deke kɛɛ bo ya sereeri i, ya nya i wɔ, dama ya de nɔaniɛ maawa n bo Nyɛmɛ fa maari ya ni, na ya yo sa bo i sun i nu. ²³ Nɔaniɛ maawa n bo Nyɛmɛ fa maari ya n la ka, ya yo i Wa Yesu Kristo yarada, na ya koro ya ninbaam ni, kabo wɔ se ya ni. ²⁴ Sɔnɔ kɛɛ bo i deerɪ Nyɛmɛ nɔaniɛ maawam n wo ni Nyɛmɛ, na Nyɛmɛ mmɔɔ wo ni i mi ni. Awiɛwiɛ Casi n bo wɔ fa ama ya ni, ma ya si ka Nyɛmɛ wo ni yɛɛ a.

4

Awiɛwiɛ n bo i ti nahɔɛ ni bo i ti kɔɛ n jɔɛ

¹ M ninbaa koroowam, má am yo minEM kERE bo bu ña NyEME AwiEWiE n wo bu dO n yarada, ama, am yo bu na am niE ka bu kereewa n fite AwiEWiE Casi n dO, nZEN i fite má. Dama kOREfOM dOngU bo bu yo bu ñu ka bu ti NyEME nOaniE kanfOM n asandi abara ayE durunya n nu. ² NyEME nOaniE kanfO kERE bo i se ka Yesu Kristo kaakiiri adamande baari durunya n nu fEN, yiri ye NyEME AwiEWiE n wo i dO a. Nyini ye am fa si bo AwiEWiE Casi n wo bu dO, ni bo i wo má bu dO a. ³ Ama, sONO kERE bo i keteeri ka, Yesu akaaki má adamande ni, NyEME AwiEWiE n wo má i mi dO, ama, i dEE kereewa n fite Kristo kpOFo n dO O. Yiri ye am yo tiiri ka i bá durunya n nu, ye kisa wO ba n a.

⁴ M nbaam, am ti NyEME dEE minEM wO, ye am akunma nyini kOREfOM bo bu yo bu ñu ka bu ti NyEME nOaniE n kanfOM ni, dama AwiEWiE Casi n bo i wo am nu n la yiko tara Sitana n bo i wo durunya n nufOM nu ni. ⁵ Nyini kOREfOM bo bu yo bu ñu ka bu ti NyEME nOaniE kanfOM ni, bu kan durunya n nu jORE kere minEM a, na durunya n nufOM de kabo bu kere ni, dama bu ti durunya n nufOM wO. ⁶ Ama, yERE yiri, ya ti NyEME dEE minEM wO, sONO kERE bo i si NyEME de kabo ya kere n wO, ama, sONO kERE bo i ti má NyEME dEE de má kabo ya kere ni. Nyini ye ya fa si minEM bo bu la NyEME AwiEWiE n bo i kere nahORE n a, ni bo bu bu kORE n fite Sitana dO n a.

Ya koro ya benju kabo NyEME koro ya ni

⁷ M ninbaa koroowam, am ma ya koro ya niwa, dama koro fite NyEME dO O, na sONO kERE bo i koro i benju ti NyEME wa a, na i mi si NyEME a. ⁸ NyEME ti koro wO, nyini ti, sONO kERE bo i koro má i benju si má NyEME. ⁹ Kabo NyEME kereeri i koro fa kO ya dO n la ka o, wO sunma i kunnu Wa kun n kpein durunya n nu, adena yiri

dɛɛ ti na ya nya ɲɔɔ. ¹⁰ Kabo koro ti lɛɛ, má ka yɛɛ koroori Nyɛmɛ a, ama, yiri koroori ya a, na wɔ sunma i Wa, na wɔ de ya jinaabiri na wɔ fa i ɲu ayo tiɛ afa ama Nyɛmɛ, adena Nyɛmɛ fa ya satiɛ ce ya. ¹¹ M ninbaa koroowam, kabo Nyɛmɛ koro ya sɔ ni, wɔ yo daka ka ya gusu koro ya beɲgu. ¹² Be nya ɲu má Nyɛmɛ, ama, nzɛn ya koroori ya beɲgu, Nyɛmɛ wo ya dɔ lɛɛ, na nyini ma i dɛɛ koro n wo ya dɔ na i ti kabo i koro ka i ti n a.

¹³ Awiɛwiɛ Casi n bo Nyɛmɛ afa ama ya ni, nyini ma ya si ka ya wo ni yiri a, na i gusu wo ni yɛɛ a. ¹⁴ Na yɛɛ aɲu kabo ya Si Nyɛmɛ n asunma i Wa n ka i ba yo durunya n nufɔm Tiidefɔ, ye ya di i daani a. ¹⁵ Sɔnɔ kɛɛ bo i tekeeri i nɔɔ seeri ka Yesu ti Nyɛmɛ Wa, Nyɛmɛ wo i mi n dɔ, na i mi n gusu wo ni Nyɛmɛ lɛɛ. ¹⁶ Yɛɛ mmɔɔ ni ya tii si kabo Nyɛmɛ koro ya barasu, ye ya yo yarada ka i koro ya.

Nyɛmɛ ti koro wɔ, nyini dɛɛ ti, sɔnɔ kɛɛ bo i koro i beɲgu ni, i mi wo ni Nyɛmɛ, na Nyɛmɛ wo ni yiri. ¹⁷ Nyɛmɛ koro wo ya dɔ, i ti kabo i koro ka i ti n wɔ, nyini ti ye ya bá koro jina i nyunu ni ahoresi, cɛɛn n bo Nyɛmɛ bá di durunya n nufɔm kɛɛ jɔɛ ni, má pui ti, kabo Kristo ti ni, ya gusu wo ti sɔ ɔ, durunya n nu. ¹⁸ Sɔnɔ kɛɛ bo Nyɛmɛ koro wo i dɔ soro má sɛɛ, dama koro bo i ti kabo Nyɛmɛ koro ka i ti ni, i fɔn yi sɛɛ wɔ, nyini ti, sɔnɔ kɛɛ bo i soro sɛɛ, Nyɛmɛ koro wo má i dɔ kabo má Nyɛmɛ koro ka i ti ni, dama sɛɛ ni suicin nati a. ¹⁹ Nyɛmɛ du mɔ koroori ya, nyini dɛɛ ti ye ya gusu la koro n a. ²⁰ Sɔnɔ kɛɛ bo i ɲa i koro Nyɛmɛ, na i koro má i ninbaam ni, i mi ti kɔɛfɔ ɔ. Nzɛn i koro má i niwa bo i nyumbaa ɲu i ni, i yó sɛ koro Nyɛmɛ bo i nyumbaa ɲu má i n a? ²¹ Nɔaniɛ maawa n bo Yesu afa ama ya n la ka, sɔnɔ kɛɛ bo i koro Nyɛmɛ, wɔ yo daka ka i mi koro i ninbaam gusu.

5

Kabo ya kunma durunya n ni

¹ Sɔnɔ kɛrɛ bo i yo yarada ka Yesu ti Kristo Tiidefɔ n bo Nyɛmɛ asunma i ni, i mi ti Nyɛmɛ wa a, na sɔnɔ kɛrɛ bo i koroori baa n wufɔ ni, i koro baa n gusu. ² Deke bo ya fa si ka ya koro minɛm bo bu ti Nyɛmɛ nbaam n la ka, ya koro Nyɛmɛ, na ya de nɔaniɛ maawam n bo wɔ fa ama ya ni. ³ Nzɛn ya deeri Nyɛmɛ nɔaniɛ maawam ni, nyini kere ka ya koro i a. I nɔaniɛ maawam n gusu ti má kekereke, ⁴ dama sɔnɔ kɛrɛ bo i ti Nyɛmɛ wa kunma durunya n wɔ. Deke bo ya fa kunma durunya n la kabo ya yo Yesu yarada n wɔ. ⁵ Ɔma koro kunma durunya n a? Bo i koro kunma durunya n la sɔnɔ bo wɔ yo yarada ka Yesu ti Nyɛmɛ Wa ni.

Daani diiwa fa kɔ kabo Yesu Kristo ti Nyɛmɛ Wa ni

⁶ Yiri Yesu Kristo yo baari durunya n nu n a, na ba biɛ i Nyɛmɛ nzue, nyini sin, na wɔ ba awu, na i mbunja afite agɔ. I baari ni, má ka bu biɛeri i Nyɛmɛ nzue n ngumi wɔ, ama, i wuuri wɔ, na i mbunja afite agɔ. Awiɛwiɛ Casi ni di i daani a, dama Awiɛwiɛ Casi n ti nahɔrɛfɔ ɔ. ⁷ Deke nsan di i daani a. ⁸ Bu daani diiwa n ti kun wɔ. Bɛrɛ la Awiɛwiɛ Casi ni, ni kabo bu biɛeri i Nyɛmɛ nzue ni, ni kabo i wuuri na i mbunja fite gɔɔri ni. ⁹ Sɔ ye Nyɛmɛ ni i tii adi i tiɛngɔ Wa n daani a. Ya de minɛm daani diiwa, nyini ti, i ti ye ni ka ya de Nyɛmɛ daani diiwa, dama i daani diiwa n la fanga tara minɛm dɛɛ. ¹⁰ Nyini ti, sɔnɔ kɛrɛ bo i yoori Nyɛmɛ Wa n yarada, i mi la daani difɔ, yiri la Awiɛwiɛ Casi n bo i wo i ahore su ni, na sɔnɔ kɛrɛ bo wɔ yo má i yarada ayi Nyɛmɛ kɔrɛfɔ lɛɛ, dama wɔ yo má daani n bo Nyɛmɛ adi i fa kɔ i Wa n su yarada. ¹¹ Nyɛmɛ daani diiwa n la ka o, wɔ ma ya ngɔɔ n bo i la má awieeri ni, nyini ngɔɔ n wo i Wa n dɔ ɔ. ¹² Sɔnɔ kɛrɛ bo i ni Nyɛmɛ Wa n ayo kun, i

mi la nyini ηγῶῶ ni, na sῶνῶ κερε bo i de má Nyεμε Wa ni, i la má ηγῶῶ.

ηγῶῶ bo i la má awieeri n jῶρε

¹³ M koro ka ambere bo am ayo Nyεμε Wa n yarada n si ka am la ηγῶῶ bo i la má awieeri ni, nyini δεε ti ye ma κερε ahin kadasi n ama am n a. ¹⁴ Ya la ahoresi ni Nyεμε, ka, deke κερε bo ya sereeri i, na i ti i δεε koroowa, i de ya sere wῶ. ¹⁵ Ya si ka deke κερε bo ya sereeri i, na i de ya sere, ya si ka wῶ yo i ama ya λεε.

¹⁶ Nyini ti, nzen sῶνῶ ηu ka i niwa be ayo satie be bo i kpaaki má i ni Nyεμε afien fieo, i mi sére Nyεμε ma yiri n bo wῶ yo satie ni, na Nyεμε má i ηγῶῶ. Ama, satie be wo bere bo i kpaaki sῶνῶ ni Nyεμε afien fieo, m suse má ka am sere Nyεμε ma minem bo bu yo nyini satie n wῶ. ¹⁷ Sa κερε bo minem yo i na i ti má kpa ti satie wῶ Nyεμε dῶ, ama, satieyo nbem wo bere bo i kpaaki má sῶνῶ ni Nyεμε afien fieo.

¹⁸ Ya si ka minem κερε bo bu ti Nyεμε nbaam koro suyo má satie, dama Nyεμε Wa ni ηmindia i a, na Sitana koro yo má i mi pui. ¹⁹ Ya si ka durunya n nufom κερε wo Sitana n saa nu wῶ, ama, yere ti Nyεμε δεεμ wῶ. ²⁰ Ye ya kaaki si ka Nyεμε Wa n aba na wῶ ba ateke ya nyi wῶ, adena ya si yiri n bo i ti Nyεμε nahore su ni. Ye ya wo ni Nyεμε n bo i ti nahore n ni i wa Yesu Kristo ni. Yiri ti Nyεμε nahore su n a, na i ma ηγῶῶ bo i la má awieeri n a.

²¹ Tῶ, m nbaam, am tara am ηu, na má am su amῶem.

Nyeme Jore Kadas
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 14 Jun 2022 from source files dated 21 May 2021

fe36d0e6-2a60-5e15-8d1c-8bf275389598